



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Ab Alexandro VII. Ad Clementem X.

**Luxemburgi, MDCCXLII.**

XXI. Privilegia, Indulta, Gratiæ, Facultates, & Exemptiones nonnullis  
Sanctitatis Suæ familiaribus concessa.

---

[urn:nbn:de:hbz:466:1-74833](https://nbn-resolving.org/urn:nbn:de:hbz:466:1-74833)



De paucitate  
Congreg.  
quaritur.

tinent ad institutionem, & educationem Novitiorum, & in præmissis omnibus etiam poenis, & censuris Ecclesiasticis procedendi facultates attribuerit.

§. 2. Nos considerantes Congregationem prædictam strenuè quidem, & fideliter, ac magno cum fructu in Ecclesia Dei hæcenus laborasse, sed ex Cardinalibus Congregationem ipsam constituentibus, de quorum numero antequam ad Supremi Apostolatus apicem divina dispositione assummeremur, eramus, solos de præsentibus superesse Venerabiles Fratres nostros Martium Portuensem, ac Uldericum Tusculanum Episcopos Carpinum, & dilectum filium nostrum Marcellum Presbyterum S. R. E. Cardinales Sanctacrucium nuncupatos, ex Prælatibus autem nonnullos quidem ad Cardinalatus honorem promotos fuisse, alios verò ab humanis decessisse, solo superstitute dilecto filio Magistro Prospero Fagnano in utraque signatura nostra Referendario, qui ejusdem Congregationis Secretarius existit; alios tùm Cardinales, tùm Prælatos sapientia, prudentia, doctrina, charitate, integritate, & Religionis zelo eximie præditos in dictam Congregationem censuimus in Domino cooprandos.

§. 3. Motu itaque proprio, ac ex certa scientia, & matura deliberatione nostris, deque Apostolica potestate plenitudine prædictam Congregationem Cardinalium, & Prælatorum à memorato Innocentio prædecessore institutam, omnique & singulas facultates illis attributas, ut præfertur tenore signaturæ nostræ Referendario, & confirmamus, ac Apostolici muniminis præsidio corroboramus.

§. 4. Præterea prædictis Martio, ac Ulderico, & Marcello Cardinalibus dilectos filios nostros Nicolaum Ludovisium, Aloysium Homodeum, Petrum Othobonum, Laurentium Imperialem, Gihbertum Borromæum, Flavium Chyrium, Petrum Vidonum, Hieronymum Buonvisium, & Jacobum Presbyteros Rospigliosum nostrum secundum carnem ex fratre germano nepotem, ac Carolum Barberinum Diaconum ejusdem S. R. E. Cardinalem Carolum respectivè nuncupatos, necnon Venerabiles Fratres Stephanum Ugolinum Patriarcham Constantinopolitanum, Jacobum de Angelis olim Urbinate, Franciscum Mariam Phœbum Tarfen, Carolum de Vecchiis Athenarum, & Stephanum Brancaccium Adrianopolitanum Archiepiscopos, Mariam Fanum Cyronem, & Camillum Piazzam Dragonem, Episcopos, ac dilectos filios Magistros Bernardinum Roccium Palatii nostri Apostolici Præfectum, Franciscum Mariam Baranzonum, Mariam Alberitium, Petrum Franciscum de Rubeis, & Stephanum de Augustinis in utraque Signatura nostra Referendarios harum ferie adjungimus, eosque omnes, & singulos in Congregationem super statu Regularium prædictam adlegimus, & coopramus.

§. 5. Decernentes easdem præsentibus literas semper firmas, validas, & efficaces existere, & fore, suosque plenarios, & integros effectus sortiri, & obtinere, nec subreptionis, vel obreptionis, aut nullitatis vitio, seu intentionis nostræ, aut interesse habentium consensus, aliove quolibet etiam formali, & substantiali defectu notari, infringi, retractari, aut in controversiam vocari, seu ad terminos juris reduci unquam posse: Sicque & non aliter in præmissis per quoscumque Judices ordinarios, & Delegatos etiam Casuarum Palatii Apostolici Auditores, ac S. R. E. Cardinales, etiam de Lateri Legatos, & alios quoslibet quacumque præminencia, & potestate fungentes, & functiones, sublata eis, & eorum cuilibet quavis aliter judicandi, & interpretandi facultate, & auctoritate judicari, & definiri debere, ac irritum, & inane quidquid secus super his à quoquam quavis auctoritate scienter, vel ignoranter contigerit attentari.

§. 6. Non obstantibus, quatenus opus sit, nostra, & Cancellariæ Apostolicæ regula de non tollendo jure quæsito, aliisque Apostolicis, ac in universalibus, Provincialibusque, & Synodalibus Conciliis editis generalibus, vel specialibus Constitutionibus, & Ordinationibus, necnon quorumvis Ordinum, & Congregationum, Societatum, ac Institutionum, aliisque quibusvis etiam juramento, confirmatione Apostolica, vel quavis firmitate alia roboratis, statutis, & consuetudinibus, privilegiis quoque, indultis, & literis Apostolicis eisdem Ordinibus, Congregationibus, Societatibus, & Institutis, illorumque Superioribus, & personis, & aliis quibuscumque verborum tenoribus, & formis, ac cum quibusvis etiam derogatoriis derogatoriis, aliisque efficacioribus, efficacissimis, & insolitis clausulis, irritantibus, & aliis decretis in genere, vel in specie, vel alias quomodolibet in contrarium concessis, confirmatis, & innovatis. Quibus omnibus, & singulis, etiam si pro illorum sufficienti derogatione de illis, eorumque totis tenoribus specialis, specifica, & individua, ac de verbo ad verbum non autem per clausulas generales idem importantes mentio, seu quævis alia expressio habenda, aut aliqua alia exquisita forma ad hoc servanda foret, tenores hujusmodi ac si de verbo ad verbum infererentur præsentibus pro plenè, & sufficienter expressis, & insertis habentes, illis aliàs in suo robore permanentibus, ad præmissorum effectum hac vice dumtaxat specialiter, & expressè derogamus, ceterisque contrariis quibuscumque.

§. 7. Volumus autem, ut earumdem præsentium literarum transumptis, seu exemplis etiam impressis manu alicujus Notarii publici subscriptis, & sigillo personæ in Ecclesiastica dignitate constitutæ munitis eadem ubique fides in judicio, & extra adhibeatur, quæ præsentibus adhibetur, si forent exhibitæ, vel ostensæ.

Datum Romæ apud Sanctum Petrum sub Annulo Piscatoris, die 11. Aprilis 1668. Pontificatus Nostri Anno primo.

Transumptio  
fides.

Dat. P. An. i.  
die ii. April.

Anno à Nativitate Domini Nostri JESU Christi millesimo sexcentesimo sexagesimo octavo, Indictione sexta, die verò 24. mensis Aprilis, Pontificatus autem Sanctissimi in Christo Patris, & D. N. Domini Clementis Divina Providentia Pape IX. Anno ejus primo, supradicta Confirmatio affixa, & publicata fuit ad valvas Basilicæ Principis Apostolorum, Cancellariæ Apostolicæ, ac in acie Campi Floræ, ac in aliis locis solitis, & consuetis Urbis per me Jo. Jacobum Pelliciam D. N. Pap. Curs.

Hilarius Cantellus Curs. Mag.

Privilegia, Indulta, Gratia, Facultates, & Exemptiones nonnullis Sanctitatis Sux familiaribus concessa.

XXI.

CLEMENS PAPA IX.

Ad perpetuam rei memoriam.

Edita An. D.  
1668.

Venerabilibus Fratribus Stephano Ugolino Constantinopolitanum, & Jacobo Altovito Antiocheno Patriarchis, ac Francisco Nerlio Florentinum litterarum nostrarum in forma Brevis ad Principes Secretario, Jacobo de Angelis olim Urbinate, Francisco Mariæ Phœbeo Tarfen, & Bernardino Roccio Damasceno Archiepiscopis, Palatii nostri Apostolici, necnon Emilio Alterio olim Camerinen, Cubiculi nostri, & Ambrosio Landucio Porphyrien, Episcopis, Sacrarum nostrarum respectivè Præfectis, ac dilectis filiis Magistris, Francisco Mariæ Antaldo Urbinate, Joanni Muto de Papazurris Romano, Bernardino Casatio Romano, Honophrio de Hippolitis Pistorien.

Nomina Familiarium ad quos concessio privilegiorum spectat.

Nestori

Clausulæ  
preservati-  
væ.



Nestori Ritæ Reatin. Auditori nostro, Jacobo Elephantutio Ravennaten. Cameræ nostræ Apostolicæ Commissario Generali, Francisco Bonvifio Lucan. Stephano de Augustinis Forolivien. Elemosynario secreto, Joanni Baptistæ Rubino Veneto, Savo Millino Romano, & Christophoro ab Auria Januen. in utraque Signatura Referendariis, Prælatiis domesticis nostris, necnon Silvestro Vannino Romano Pincernæ, Jo. Vincenzio Arata Panormitan. Vestriario, Paulo de Strada Clerico conjugato Romano Architriclino, Jordano Hilling Rigen. & Ludovico Lentio Romano, Cubiculariis intimis, ac Antonio Capellino Sabinen. Francisco Polino Camerinen, Joanni Nicolao Piccolominzo Senen. libellorum supplicum Nobis porrectorum Secretario, Joanni Angelo ab Altemps Romano, Guilielmo Baroni de Furstenberg Westphalo, & Mario Spinulæ Januen. Cubiculariis secretis nostris, ac Theodoro Cellesio Pistorien. Fratri Militi Hospitalis Sancti Joannis Hierosolymitani, Armindo Riccio Firman. Subdatario, Joanni Gualtero Slusio Leodien. Officiali Brevium nostrorum secretorum, Benedicto Ritæ Clerico conjugato Reatin. Medio secreto, Riccardo Cruciano Camerinen. Caudatario, Petro Maffarino Firman. Crucifero, Gallieno Conocio Hydruntin. & Joanni Biffaiga Vercellen. Cappellanis secretis nostris, ac Amilio de Cavaleriis, & Marchioni Antonio Sancta Crucio Romanis, Equitum levis armaturæ custodiæ corporis nostri Capitaneis, Francisco Ceriolo Cremonen. Magistro domus nostræ, Francisco Guilmio Namurcen. & Blasio Agidio Sabinen. respectivè Civitatum, vel Diocesium Clericis, seu Presbyteris, ac Evangelistæ Guidotto Romano Clerico conjugato, Cubiculi nostri Adjutoribus, & Federico Cavallo Aretin. Dioc. Subvestiario nostro, familiaribus continuis Commensalibus nostris salutem, & Apostolicam benedictionem.

Causa concessionis.

§. 1. Circumspecta Romani Pontificis gratiarum dispensatoris providentia devotos, & fideles suos, illos præsertim, qui grata familiaritatis obsequia jugiter ei impendunt, ac quos ad id alias propria virtutum merita commendant, honoris, & famæ amplioribus præconiis, ac præclaris dignitatum titulis decorare, & ornare, necnon specialis benevolentia favoribus amplecti solet, prout personarum qualitatibus conspicit convenire. Hinc est quod Nos ad grata familiaritatis obsequia, quæ vos, qui etiam continui Commensales nostri existitis, & quilibet vestrum Nobis hæcenus impendistis, & adhuc sollicitis studiis impendere non desistitis, necnon ad vitæ, ac morum honestatem, aliaque laudabilia probitatis, & virtutum merita, quibus personas vestras, etiam familiari experientia, juvari percepimus, condignam rationem habentes, ac propterea easdem personas vestras peculiaris favore gratiæ, ac specialis honoris, & excellentiæ dignitatis titulo sublimare volentes, vosque, & quemlibet vestrum à quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis à jure, vel ab homine quavis occasione, vel causa latis, si quibus quomodolibet innodati existitis, ad effectum præsentium dumtaxat consequendum harum serie absolventes, & absolutos fore censentes.

Notarios creat.

§. 2. Motu proprio, non ad vestram, vel alterius pro vobis super hoc oblata petitionis instantiam, sed de mera liberalitate, & certa scientia nostris, ac de Apostolicæ potestatis plenitudine, vos, & quemlibet vestrum respectivè in nostros, & Sedis Apostolicæ Notarios, (sine tamen præjudicio dilectorum filiorum Notariorum de numero participantium) Apostolica auctoritate tenore præsentium recipimus, ac Sacri Palatii, & Aulæ Lateranen. Comites, necnon auratæ Militiæ Equites, ac Nobiles Romanos, & Urbis Romæ, ac Civitatum Avenionen. Bo-

Comites & milites.

nonien. Ferrarien. & Beneventan. omniumque & singularum aliarum Civitatum, Terrarum, & locorum Romanæ Ecclesiæ mediata, vel immediate subjectorum Cives cum omnibus juribus, jurisdictionibus, prærogativis, & insignibus debitis, & consuetis creamus, ac constituimus, ac in numerum, & consortium aliorum nostrorum, & ejusdem Sedis Notariorum, necnon Palatii, & Aulæ hujusmodi Comitum, Equitum, & Nobilium Romanorum, aliorumque Civium Civitatum, & Terrarum prædictarum referimus, & conferibimus.

§. 3. Vobisque etiamsi habitum, & rochetum Notariorum dictæ Sedis juxta decreta Lateranen. Concilii novissimè celebrati non deferatis, aut Civitates hujusmodi non incolueritis, nec unquam in eisdem Civitatibus domicilium habueritis, ut omnibus, & quibuscumque privilegiis, & facultatibus, exemptionibus, immunitatibus, liberatibus, favoribus, gratiis, & indulgiis, quibus ceteri omnes Notarii nostri, etiam de numero participantium, ac Comites, Equites, & Nobiles (citrà tamen exemptiones à Sacro Concilio Tridentino sublatas, ita ut nedum quoad criminalia, sed etiam quoad civilia subiaceatis Ordinariis, & citrà facultates legitimandi, ad gradus promovendi, Notarios seu Tabelliones creandi, aliaque hujusmodi privilegia à Notariis, & Comitibus præfatis præsentia, itaut illis nullibi uti valeatis, ac irritum, & inane existat, quicquid fecus per vos, aut quemlibet vestrum respectivè attentari contigerit) necnon Cives originarii, etiam in dignitatibus, beneficiis, & officiorum Ecclesiasticorum, ac secularium, etiam ex personis Romanorum Civium originariorum vacantium affectuione, & exercitio tam in Urbe, quàm in omnibus, & singulis Civitatibus prædictis, & aliis ubique locorum, & gentium, necnon sessionum, & Conventuum utuntur, potiuntur, & gaudent, ac uti, potiri, & gaudere poterunt quomodolibet in futurum, non solum ad eorum instar, sed pariformiter, & æquè principaliter acsi privilegia, facultates, exemptiones, gratiæ, & indulta hujusmodi pro vobis emanassent, uti, potiri, & gaudere, ac in omnibus, & singulis Apostolicis, aliisque literis, instrumentis, & scripturis publicis, & privatis deinceps nomine vestro conficien. vos Notarios, Comites, Equites, & Nobiles, ac de nobili genere ex utroque parente procreatos, necnon Roman. & aliarum Civitatum, & Terrarum Cives prout liberit inscribere, & vos illis subscribere valeatis, ac pro veris, & non fictis Notariis, Comitibus, Equitibus, & Nobilibus, ac Civibus habeamini, nihilque qualecumque illud fuerit cum iis subscriptionibus subreptitium, aut obreptitium, vel invalidum, sed illud idem efficax in omnibus censeatur, necnon honoris causa insignia Gentis nostræ sive integrè, sive cum vestris respectivè composita gestare possitis, prout vobis placuerit concedimus.

§. 4. Et insuper vos, vestraque beneficia, & officia Ecclesiastica quæcumque, quocumque, & qualicumque illorum fructus, res, & jura ubicumque locorum, Regnorum, & Provinciarum, necnon in Urbe, Civitatibus, Terris, & locis eidem Romanæ Ecclesiæ mediata, vel immediate subjectis consistentia prædia, domos, possessiones, & bona patrimonialia, aliaque temporalia mobilia, & immobilia, ac se moventia, necnon actiones, & jura præsentia, & futura, cujuscumque qualitatis, quantitatis, & naturæ, & cujusvis, etiam annui valoris fructus, redditus, & proven. hujusmodi sint, vel fuerint, ac etiam quæcumque à vobis vendenda, ac pro vestris, & familiarum vestrarum usibus emenda ab omnibus, & quibuscumque decimis, quartis, & dimidiis partibus, subsidiis, etiam charitativis, necnon vectigalibus, portoriis, tributis, datis, pedagiis, collectis, & quo-

Bona eorum ab oneribus eximit.

cumque



cumque alio nomine nuncupatis angariis, parangariis, cæterisque oneribus, & contributionibus, tam urbanis, quam rusticis, ordinariis, & extraordinariis, realibus, personalibus, & mixtis, etiam ratione munitionum mœnium, & pontium, portarum, & moliturarum, & mercium cujuscumque generis transitus, seu passus, & vecturæ, etiam in aliud territorium, seu Provinciam terra, mari, & flumine, necnon equorum mortuorum, stabulationum, militum, institutionis Seminariorum Ecclesiasticorum, aut quacumque alia quantumvis gravi, & gravissima causa (pro subventionem contra Infideles dumtaxat excepta) nunc, & pro tempore impositis, ita quod vos, & quilibet vestrum nihil omnino horum, aut aliorum similium subire teneamini, nec per Camera Apostolicæ, aut alios Commissarios, seu vectigalium, & tributorum hujusmodi redemptores, conductores, & exactores, quocumque privilegio, exemptione, & facultate suffultos, aliâ quàm ut præfertur, valeatis coarctari (quamdiu servitiis nostris infriteritis dumtaxat) eximimus, & liberamus.

Super ref-  
dencia dis-  
penlat.

§. 5. Ad hæc vobiscum, & cum quolibet vestrum respectivè, ut quæcumque duo dissimilia, vel simplicia similia sub singulis tribus rectorumcumque trium Cathedralium, etiam Metropolitanarum, aut aliarum, etiam Collegiatarum Ecclesiarum consistentia, etiam si unum ex illis omnibus cum cura, aut dignitas, etiam major, & principalis, Canonicatus, & præben. personatus, administratio, vel officium fuerit, & ad dignitatem, personatum, administrationem, vel officium hujusmodi consueverit quis per electionem assumi, eique cura etiam jurisdictionalis immineat animarum, si alicui vestrum aliâs canonicè conferantur, aut quisque vestrum eligatur, præsentetur, aut aliâs assumatur ad illa, & instituat in eis, recipere, & dummodo illa omnia (uno excepto) personalem residentiam non requirant, insimul quoad vixeritis retinere, necnon etiam quamdiu Nobis infervieritis tantum in beneficiis Ecclesiasticis, etiam curatis, non tamen Parochialibus, nec Curatis cura animarum Parochianorum, per vos pro tempore respectivè obtentis, etiam de jure, statuto, fundatione, vel privilegio personalem residentiam requirentibus, etiam si dignitates in Cathedralibus, etiam Metropolitanis Majores, ac Collegiatis Ecclesiis hujusmodi principales fuerint, personaliter residere non teneamini, nec ad id per locorum Ordinarios, aut Ecclesiarum earumdem Capitula, seu quosvis alios ad residendum interim in illis inviti compelli possitis, omnesque & singulos vestrorum beneficiorum obtentorum fructus, redditus, & proven. durante servitio prædicto cum ea integritate (distributionibus quotidianis dumtaxat exceptis) cum qua illos perciperetis, si in eisdem Ecclesiis, sive locis personaliter resideretis, percipere, exigere, & levare.

Facultates  
recipiendi  
Ordines sa-  
cros conce-  
dit.

§. 6. Ac interim, vel postmodum si volueritis hic in Romana Curia, vel extra eam à quocumque quem malueritis Catholico Antistite gratiam, & communionem ejusdem Sedis habente, quem duxeritis eligendum, ad omnes, etiam sacros, & presbyteratus ordines aliquibus tribus Dominicis vel aliis festivis diebus, etiam extra tempora à Jure statuta, proprii Ordinarii, aut cujusvis licentia desuper minime requisita, si alias ad id idonei reperti fueritis, super quo Antistitis conscientiam oneramus promoveri, & promoti in illis etiam in Altaris ministerio ministrare.

§. 7. Necnon, etiam si Presbyteri fueritis, ac dignitates, & officia obtinueritis, leges, & jura civilia etiam publice in Scholis, & Universitatibus studiorum generalium ad quinquennium dumtaxat, dummodo trigessimam ætatis annum non exceßeritis, audire, & si habiles, & sufficientes reperti fueritis, etiam ad Doctoratus gradum in hu-

jusmodi facultate vos promoveri facere, ipsaque Jura etiam publice docere, atque Judicis, Advocati, & Procuratoris officium in causis Ecclesiasticis civilibus tantum exercere libere, & licite possitis, & valeatis, auctoritate, & tenore prædictis de specialis dono gratiæ dispensamus.

§. 8. Liceat quoque vobis, & cuilibet vestrum aliquem idoneum, & approbatum ab Ordinario Presbyterum sæcularem, vel cujusvis Ordinis regularem in vestrum eligere Confessorem, qui vita cujuslibet vestrum comite vos, & quemlibet vestrum à quibusvis excommunicationis, suspens. & interdicti, aliisque Ecclesiasticis sententiis, censuris, & pœnis à jure, vel ab homine quavis occasione, vel causa latis, & per vos incurfis, & quibus vos etiam Apostolica auctoritate illaqueari contigerit, etiam si absolutio Nobis, & Successoribus nostris Romanis Pontificibus pro tempore existentibus specialiter, vel generaliter reservata existat, & quorumcumque votorum, & Ecclesiæ præceptorum transgressionibus, homicidio casuali, manuum violentarum in quavis personas etiam Ecclesiasticas (non tamen Episcopos, vel alios Superiores Prælatos) de præterito injectionibus, seu consilii, vel favoris ad id præstationibus, jejuniarum omissionibus (non tamen recitationis horarum Canoniarum, aliorumque Divinorum Officiorum) & denique ab omnibus, & quibuscumque aliis vestris peccatis, criminibus, & excessibus, ac delictis quantumcumque gravibus, & enormibus, etiam talibus, propter quæ Sedes prædicta merito consulenda foret, videlicet à contentis in litteris die Cœnæ Domini publicari consuetis, semel tantum in vita, & mortis articulo; in reliquis vero dictæ Sedi quomodocumque reservatis, aliisque quibusvis casibus semel in anno confessionibus vestris diligenter auditis (sine tamen alicujus præjudicio) auctoritate Apostolica absolvere, & vobis pro commissis penitentiam injungere salutarem; necnon vota quæcumque (ultramarino, visitationis liminum BB. Apostolorum Petri, & Pauli, castitatisque, & Religionis votis dumtaxat exceptis) in alia pietatis opera commutare valeat.

Licentia eli-  
gendi Con-  
fessarium.

§. 9. Vobisque ulterius, & cuicumque vestrum respectivè, ut quicumque loci Ordinarii, vel Canonici Metropolitanarum, seu aliarum Cathedralium Ecclesiarum, aut personæ in dignitate Ecclesiastica constitutæ, tam in dicta Curia, quam extra eam ad id per vos respectivè coram Notario, & testibus fide dignis eligendi, seu eligendæ quæcumque pensiones annuas vobis super Mensarum Abbatialium, seu Capitularium, ac Episcopaliū, & Archiepiscopaliū, ac quorumcumque beneficiorum Ecclesiasticorum cum cura, & sine cura sæcularium, & quorumvis Ordinum, & Militiarum Regularium, etiam Hospitalis S. Joannis Hierosolymitani prædicti, quomodocumque, & qualitercumque qualificatorum fructibus, redditibus, proven., juribus, obventionibus, & distributionibus, etiam quotidianis, seu illarum loco fructus, redditus, proventus, jura, obventiones, distributiones, & emolumenta vobis nunc, & pro tempore assignata, & reservata, ac reservanda pro summa videlicet trecentorum ducatorum auri de Camera quoad singulos vestrum, quandocumque alicui vestrum respectivè placuerit, simul, vel successive in toto, vel in parte, etiam in cujuslibet vestrum mortis articulo cessare, & extinguere, ac postquam cassatæ, & extinctæ fuerint, alias similes pensiones annuas super eisdem fructibus, redditibus, proven., juribus, obventionibus, & distributionibus, & emolumentis, seu illarum loco fructus, redditus, proven. jura, obventiones, distributiones, & emolumenta hujusmodi usque ad summam, & quantitatem prædictam uni, vel pluribus aliis personis etiam per vos nominandis, etiam quæcumque, quocumque, & qualicumque beneficia Ecclesiastica

Indultum  
transferendi  
pensiones.

obti-



obtinentibus, & expectant. Clericis, seu clericali caractere insigniri volentibus etiam eis quoad vixerint, seu eorum Procuratoribus ad id speciale ab eis mandatum habentibus, iisdem modo, & forma, quibus vobis assignatae, & reservatae, seu assignatae, & concessa fuerint respective etiam absque consensu eadem pensiones solvere debentium, etiam illas, vel illa alias cassari, & reservari de novo facien. facultatem non habueritis, ac pensiones, & fructus, redditus, proven. jura, obventiones, ac distributiones, & emolumenta hujusmodi etiam pluries cassata, & de novo assignata fuerint, usque ad summam, & quantitatem praedictam, etiam litteris Apostolicis super reservationibus, & assignationibus hujusmodi non confectis, ac alias cum omnibus, & quibuscumque exemptionibus, privilegiis, decretis, clausulis, cautionibus, vinculis, obligationibus, & cautelis, ac etiam censuris, & penis in prioribus reservationibus hujusmodi concessis, & contentis, necnon cum surrogatione in quibusvis vestris juribus, etiam quoad quasi possessionem exigendi in qua tunc eritis, integre persolvendas, servata tamen forma Constitutionis fel. rec. Urbani PP. VIII. praedecessoris nostri quoad excessum medietatis fructuum, reservare, constituere, & assignare valeant, auctoritate, & tenore praedictis de speciali gratia indulgentus.

Facultate  
Randi.

§. 10. Necnon etiam vobis, ut de omnibus, & singulis domibus, praediis, possessionibus, terris, & locis, ac jurisdictionibus, ceterisque bonis mobilibus, & immobilibus, quae tamen non sint altaris, seu altarium Ecclesiarum vobis commissarum ministerio, seu alicui speciali earundem Ecclesiarum divino cultui, seu usui deputata, seu que moventibus cujuscumque qualitatis, quantitatis, valoris, speciei, pretii, & conditionis, existentibus, ac juribus, & actionibus ad vos ratione Ecclesiarum, etiam Cathedralium, & Metropolitanarum, quibus vos forsan praesse contigerit, necnon Monasteriorum, Prioratuum, Praepositarum, Dignitatum, & aliorum quorumcumque beneficiorum Ecclesiasticorum cum cura, & sine cura saecularium, & quorumvis Ordinum regularium, quae etiam ex quibusvis concessionibus, & dispensationibus Apostolicis in titulum, commendam, administrationem, ac alias quomodolibet obtinueritis, obtinetis, & obtinebitis, ac fructuum, reddituum, & proventuum Ecclesiasticorum loco pensionum, ipsarumque pensionum annuarum super similibus fructibus, redditibus, & proven. vobis reservatorum, & assignatorum, ac reservandarum, & assignandarum, quos, & quas perceperitis, percipitis, & percipietis in futurum, necnon emolumentorum quorumcumque Romanae Curiae officiorum, & alias quomodolibet spectantibus, & pertinent. ac etiam de dictis proventibus, fructibus, redditibus, & pensionibus annuis, necnon vestra, & cujuslibet vestrum industria, & labore quomodolibet, & undecumque, licite tamen, acquisitis, & acquirendis, ac alias etiam de muneribus, & officiis, quae exercueritis, & vos exercere contigerit, & alia quavis occasione, vel causa, seu contemplatione ad vos perventis, & perventuris, etiam si in pecunia numerata, & jocalibus, gemmis, aliisque pretiosioribus rebus consistant, tam in dicta Curia, quam extra eam, ubique locorum, etiam penes beneficia ipsa existentibus (quorum omnium qualitates, & veros etiam annuos valores, etiam si talia forent, quae generali appellatione bonorum, & suppellectilium non ventrent, sed specialibus indigerent vocabulis, praesentibus ac si specificis, & singillatim exprimerentur, & denominarentur pro sufficienter expressis, ac declaratis haberi volumus) usque ad summam sex millium ducatorum auri de Camera, ac etiam de ipsis fructibus, redditibus, & proventibus, & pensionibus debitis, & debendis, (servata tamen

forma Constitutionum Apostolicarum jam editarum, & si quas deinceps edi contigerit super fructibus inexactis) etiam cumulative cum quibusvis aliis similibus, vel dissimilibus facultatibus habitis, & habendis tam pro decentibus, & honestis impensis funeribus, quam etiam pro remuneratione illorum, qui vobis viventibus servierint; etiam ultra servitii meritum, ac in vestrorum consanguineorum, & affinium, ac quorumcumque piorum locorum favorem, & ulum, ac alias pro arbitrio, & voluntate vestris, & cujuslibet vestrum absolutis testari, & testamento, codicillis, fideicommissis, legatis, donationibus, tam inter vivos, quam causa mortis, & aliis quibuscumque modis, & titulis, scriptura etiam minus solemniter coram duobus, vel tribus testibus, aut etiam cedula sola manu vestra scripta, vel subscripta, & alias in omnibus, & per omnia, prout, & quomodolibet vobis videbitur, etiam in ipsa Curia, & in mortis articulo, etiam nulla facta mentione praesentis, vel aliarum vobis pro tempore concessarum similibus facultatum, aut quod in vim illarum testari, seu disponere velitis, & intendatis, semel, atque iterum, aut pluries disponere, statuere, & ordinare, itaut quicquid testatum, gestum, aut ordinatum, seu alias dispositum a vobis fuerit, etiam in vim simplicis distributionis, ac alias omni meliori modo valeat, & servari debeat, ipsaque testamenta, codicillos, dispositiones, ordinationes, legata, & statuta pluries, ac toties quoties vobis videbitur moderari, limitare, ac etiam in totum revocare, & alia de novo condere libere, & licite valeatis, auctoritate Apostolica earundem tenore praesentium plenam, & liberam concedimus facultatem.

§. 11. Et insuper statuimus, & ordinamus, vobisque indulgemus, quod si vos ab intestato, & sine ulla, vel minus valida bonorum, & rerum, ac fructuum, reddituum, & proventuum praedictorum dispositione in dicta Curia, vel extra eam, tam continua, quam interpolata inibi cujuslibet vestrum respective mansione, ac etiam extra beneficia vestra, vel alia loca debita a vobis residentia personalis, etiam nulla subsistente causa, ab humanis decedatis, omnia, & singula bona, res, & jura etiam, ut praefertur, qualificata, necnon spolia cujuscumque quantitatis, & valoris existentia, etiam ex praedictis, & alias undecumque provenientia ad Camera Apostolicam, seu in dictis beneficiis Successores non pertineant, sed ad haeredes vestri sanguinis integre deveniant, & illis deficientibus inter familiares vestros arbitrio personae, seu personarum, quas ad id scripto nominaveritis, distribuantur, nisi de alia dispositione, vel intentione vestra scriptura, etiam minus solemniter, secus appareret, quam tunc velut efficacem ipsae personae, vel alii Judices, seu Executores, omnino exequi, & adimplere, illique sese conformare in omnibus, & per omnia debeant. Et nihilominus quaecumque hujusmodi testamenta, legata, donationes, dispositiones, & alia forsan a vobis etiam nulla, aut minus sufficienti facultate suffulta de hujusmodi bonis, juribus, & actionibus, fructibus, pecuniis, jocalibus, aliisque rebus supra dictis, etiam in favorem consanguineorum, & affinium praedictorum, & alias quomodolibet facta cum omnibus inde secutis, ac etiam ea, quae per vos in futurum sicut ex nunc prout ex tunc, & e contra pro dicta summa sex millium ducatorum approbamus, & confirmamus, omnesque, & singulos Juris, & facti, ac solemnitarum omisarum, & omittendarum, necnon substantiales, aliosque defectus quoscumque, si qui intervenerint, aut intervenerunt in eisdem, etiam si tales sint, vel fuerint quod specialis, specifica, & expressa de illis mentio praesentibus habenda esset supplementum.

Supple-  
tum de-  
bitum.



1668.  
Inhibitio cō-  
tra molestias  
tes.

§. 12. Districtius inhibentes quibusvis Archiepiscopis, Episcopis, aut aliis Ecclesiarum Prælatibus, necnon Cameræ prædictæ Præfidentibus, & Clericis, ac eorum, necnon fabricæ Basilicæ Principis Apostolorum de Urbe, ac Cruciatæ sanctæ, & aliis Collectoribus, & Subcollectoribus, cæterisque cujuscumque dignitatis, status, gradus, & conditionis existentibus, etiam quavis auctoritate, & potestate fungentibus, sub excommunicationis majoris, aliisque Ecclesiasticis sententiis, censuris, & pœnis, ne Universitates, Collegia, ac loca, & legatorios, heredes, & personas, necnon testamentorum, valentatum, & ordinationum hujusmodi Exequutores prædictos directè, vel indirectè quovis quæsito colore, vel ingenio molestare audeant quoquomodo, vel perturbare.

Clausulæ  
præservati-  
væ.

§. 13. Ac decernentes prædicta omnia, & singula, præsentisque literas, & testa penta, donationes, codicillos, fideicommissa, legata, ordinationes, derogationes, dispositiones, & alia quæcumque; necnon quæ in præmissis facta sunt, aut fieri contigerit, tam vigore præsentis, quam etiam aliarum concessionum vobis factarum, ac deinceps in genere, & in specie faciendarum cum inde sequitis, & sequuturis, etiamsi vos intrâ Curiam in quacumque alia mundi parte extrâ Ecclesias, & beneficia personalem residentiam requirentia qualitercumque qualificata per vos nunc, & pro tempore obtenta etiam pro vestra sola voluntate, & nulla subsistente causa non resistendi ab humanis decedere contigerit, sub literis rec. mem. Pii Papæ IV. prædecessoris nostri contra quoscumque Episcopos, Archiepiscopos, & alios Prælatos, necnon parochialium Ecclesiarum Rectores cæterosque residentie personali prædictæ adstrictos extrâ illam quomodocumque decedentes septimo Kalend. Decemb. Pontificatus sui anno quinto, aut alio veriori tempore emanatis, & sub quibuscumque aliis Constitutionibus, aut revocationibus, suspensionibus, limitationibus, modificationibus, decretis, declarationibus Apostolicis, Cancellariæ Apostolicæ regulis ex quibuscumque causis quantumcumque maximis, urgentibus, & inexcogitabilibus, etiam in favore fidei, & divini cultus augmentum, ac consistorialiter, etiam à Nobis, & Sede prædicta hæcenus, vel nunc, & pro tempore factis, & editis minimè comprehendendi, sed semper ab illis excepta; & quoties emanata fuerint, toties in pristinum, & validissimum statum, & etiam sub data posteriori, etiam cum derogationibus, & clausulis etiam derogationum derogatoriis, irritantibusque, & aliis decretis per vos eligenda apponendis, & latissimè specificandis reposita, restituta, & plenariè reintegrata, ac de novo concessa, validaque, & efficacia fore, necnon perpetua firmitate subsistere, suosque plenarios, & omnes effectus, qui de Jure, stylo, consuetudine, aut aliis quomodocumque sortiri poterunt, ac vim veri, legitimi, jurati, stipulati, validi, & efficacia contractus inter vos ex una, ac Nos, & cameram prædictam ex altera partibus habere, nec etiam per promotionem ad Ecclesiam Cathedralē, etiam Metropolitanam, aut translationem, vel aliam status, & personæ vestræ mutationem, nec per similes, vel dissimiles gratias vobis concessas, & concedendas confundi, sed ipsis cumulativè in omnibus, & per omnia uti, & si quid in una ex facultatibus hujusmodi defecerit, per aliam suppleri debere, nec hæredes, legatarios, ac loca, ad quos, seu quæ bona, jura, & actiones hujusmodi devenerint, vel quibus relinquuntur, aut Executores prædictos ad tertiam, seu aliam eorum partem, quam etiam ex nunc vobis, ac locis, hæredibus, legatariis, donatariis prædictis liberaliter concedimus, & donamus, Cameræ, vel fabricæ, aut beneficiis prædictis, etiam pro expeditione contra Infideles, & quibusvis aliis quantumlibet piis usibus solvendum, ac cum iis de-

super componendum, vel vos ad aliam particularem licentiam, sive indultum, aut confirmationem præsentium à Nobis, vel Successoribus nostris Romanis Pontificibus petendum, aut imperandum, vel etiam in alia simili gratia, seu confirmatione illius vobis quomodocumque concedenda, de præsentem mentionem aliquam faciendam minimè teneri, nec ad id ulla unquam necessitate cogi posse.

§. 14. Et sic in præmissis omnibus, & singulis per quoscumque Judices ordinarios, & delegatos, etiam causarum Palatii Apostolici Auditores, & ejusdem S. R. E. Cardinales, necnon pro tempore existentes dictæ Cameræ Camerarium, Præfidentes, & Clericos in quavis causa, & instantia, sublata eis, & eorum cuilibet quavis aliter judicandi, & interpretandi facultate, & auctoritate judicari, & definiti debere, ac irritum, & inane si secus super his à quoquam quavis auctoritate scienter, vel ignoranter contigerit attentari.

§. 15. Quocirca Venerabilibus Fratribus nostris Ostien. & Portuen. Cardinalibus Episcopis, & dilecto filio Curie causarum Cameræ Apostolicæ Generali Auditori, per Apostolica scripta mandamus motu simili, quatenus ipsi, vel duo, aut unus eorum, per se, vel alium, seu alios præsentem literas, & in eis contenta quæcumque ubi, & quando opus fuerit, ac quoties pro parte vestra desuper fuerint requisiti solemniter publicantes, vobisque in præmissis efficacia defensionis præsidio assistentes, faciant auctoritate nostra easdem præsentem literas, & in eis contenta hujusmodi firmiter observari, ac vos illis omnibus pacificè frui, & gaudere, non permitcentes vos per quoscumque quavis auctoritate fungentes contra earundem præsentium tenorem, quomodolibet indebitè molestari, inquietari, vel perturbari: Contradictores quoscumque, & rebelles per sententias, censuras, & pœnas Ecclesiasticas, aliæque opportuna Juris, & facti remedia appellatione postposita compescendo; ac legitima super his habendis servatis processibus, censuras, & pœnas ipsas, etiam iteratis vicibus aggravando; invocato etiam ad hoc, si opus fuerit, auxilio brachii secularis.

§. 16. Non obstantibus præmissis, ac piæ memoriæ Bonifacii Papæ VIII. prædecessoris pariter nostri de una, & in Concilio generali edita de duabus dietis, dummodò ultra tres dietas aliquis vigore præsentium ad iudicium non trahatur, necnon Lateranensis Concilii novissimè celebrati de certo Notariorum numero, etiamsi ad illum nondum devenit fuerit, cui per hoc aliàs derogare non intendimus, ac de consensu præstando in pensionibus, & quibusvis aliis, etiam per Nos, & Sedem prædictam editis, & in posterum edendis Cancellariæ Apostolicæ regulis, ac stylo in similibus hæcenus observato, ac rec. mem. Alexandri PP. VI. etiam prædecessoris nostri tertiam partem bonorum Ecclesiasticorum Cameræ prædictæ deberi inter alia disponente, necnon ejusdem Bonifacii Papæ VIII. per quam concessionem fructus in absentia percipiendi sine præfinitione temporis fieri prohibentur, ac Pii Papæ IV. prædecessoris pariter nostri de gratiis qualescumque interesse Cameræ Apostolicæ concernentibus in dicta Camera intra certum tunc expressum tempus præsentandis, & registrandis, ita quod præsentem in eadem Camera nullo unquam tempore registrare teneamini, ac similis recor. Urbani PP. VIII. etiam prædecessoris nostri de pensionibus aliàs translatis iterum non transferendis, ac quorumvis aliorum Romanorum Pontificum prædecessorum nostrorum, & quibusvis aliis Apostolicis, ac in universalibus, provincialibusque, & Synodali-bus Conciliis editis generalibus, vel specialibus Constitutionibus, & ordinationibus, necnon legibus, etiam Imperialibus, & municipalibus, tam Urbis, quam aliarum Civitatum, & locorum, in

Clausula sub-  
lata.

Executorum  
deputatio.

Contrariis  
derogat.



quibus Cives Originarii creati existitis, & quarumvis Ecclesiarum, Monasteriorum, Ordinum, & Hospitalis prædictorum, necnon quorumvis Collegiorum, & officiorum dictæ Curie, & Regnorum, Provinciarum, & Urbis, ac aliorum Civitatum, & locorum, ac Camere prædictorum, etiam juramento, confirmatione Apostolica, vel quavis firmitate alia roboratis statutis, & consuetudinibus, stabilimentis, usibus, & naturis, etiam si de illis servandis, & non impetrandis literis Apostolicis contra ea, nec etiam ab alio, vel aliis impetratis, aut aliis quomodolibet concessis utendo vos per vos, vel Procuratores vestros præstiteritis forsan hæcenus, vel vos in posterum præstare contigerit juramentum; privilegiis quoque, indultis, & literis Apostolicis dictis Ecclesiis, Monasteriis, Ordinibus, & Hospitalibus, illorumque Præsulibus, seu Administratoribus, & Superioribus, ac Magistris, Præceptoribus, Prioribus, Militibus, etiam antianis, Capitulis, Conventibus, Civitatibus, & locis, aliisque prædictis, illorum Communitatibus, & Universitatibus, aliisque personis, etiam particularibus, necnon Archiepiscopis, Episcopis, & aliis Ordinariis, etiam eisdem Cardinalibus, ac dictæ Curie Officialibus, illorumque Collegiis, ac etiam decimarum, pedagogorum, gabellarum, & onerum Exactoribus, & Appaltatoribus, & aliorum onerum redemptoribus sub quibuscumque tenoribus, & formis, ac cum quibusvis, etiam derogatoriis derogatoriis, aliisque efficacioribus, & insolitis clausulis, ac irritantibus, & aliis decretis per quoscumque Romanos Pontifices Prædecessores nostros, ac etiam Nos, & Sedem prædictam, etiam consistorialiter, ac de eorundem Cardinalium consilio, etiam per modum statuti, & constitutionis perpetuorum, ac motu, & scientia similibus, deque Apostolicæ potestatis plenitudine, vel ad Imperatoris, Regum, Reginarum, Ducum, Marchionum, & aliorum Principum instantiam, seu illorum contemplatione in genere, vel in specie, ac aliis quomodolibet etiam iteratis vicibus concessis, etiam si in eis, ac statutis, & stabilimentis prædictis caveatur expressè, vel tacitè, quod Urbis nisi originariis Civibus Romanis, ac Civium eorundem filijs conferantur, quodque nonnullarum Ecclesiarum beneficia, nisi per personas illustres, vel nobiles, ac etiam originarios Cives, aut aliis certo modo in illis expressè qualificados obtineri non possint, & nulli Cives Urbis, ac Civitatum, Oppidorum, Terrarum, & Locorum hujusmodi admitti, seu illorum privilegiis uti possint, nisi prius in dictis Civitatibus, Oppidis, Terris, & Locis per certum tempus habitaverint, seu etiam in illis bona, etiam stabilia forsan ad certum valorem ascendente possederint, quodque præceptorum, & alia beneficia, quæcumque dicti Hospitalis, tam ex ejus institutione, quàm ex stabilimentorum prædictorum dispositione, pensionibus Clericis secularibus, & aliis personis, etiam Apostolicâ auctoritate reservandis gravari non possint, quodque stabilimentis, & privilegiis prædictis, etiam vigore implicitæ derogationis latissimè extendendæ, etiam per quascumque litteras Apostolicas, & quavis etiam derogatoriis derogatoriis, efficaciores, & insolitas clausulas derogari non possit, nec derogatum censeatur, nisi derogatio hujusmodi de consilio Cardinalium eorundem fiat, & tùm demùm Magistri, & Conventus prædictorum ad id accedat assensus, sintque litteræ derogationis hujusmodi, etiam per dictum Magistrum subscriptæ, ac illi, & præfato Conventui per diversas in forma Brevis, aut alias litteras diversis temporibus cum certis intervallis presentatas intimatæ, & non aliàs, nec alio modo, & semper in omnibus, quæ sic fient, etiam de simili consilio, derogationibus sit apposita clausula, quod illarum effectum sortiantur de consensu Magistri, & Conventus prædictorum, & non aliàs,

nec alio modo; quodque ipsi Exactores, & Appaltatores decimas, pedagia, & onera hujusmodi, etiam ab exemptis, exigere, & illos ad solutionem, seu contributionem cogere, & compellere possint, seu debeant. Quibus omnibus, illorum omnium tenores ac si de verbo ad verbum infererentur, præsentibus pro expressis habentes, illis alias in suo robore permanuris, hac vice dumtaxat in genere, & in specie ad effectum præsentium sufficienter, & expressè derogamus, ac derogatum esse decernimus; Quodque vos primam non feceritis in Ecclesiis hujusmodi personalem residentiam consuetam, cæterisque contrariis quibuscumque.

§. 17. Volumus autem, quod antequam gratia creationis in nostros, & Sedis Apostolicæ Notarios vobis ut supra facta perfrui valeatis, in manibus alicujus personæ in dignitate Ecclesiastica constituta professionem fidei juxta articulos pridem à Sede prædicta propositos expressè emittere, & solum fidelitatis juramentum præstare omninò teneamini; Quodque præsentium transumptis, etiam impressis, manu alicujus Notarii publici subscriptis, & sigillo personæ in dignitate Ecclesiastica constitutæ munitis eadem profusus fides ubique adhibeatur in judicio, & extra, quæ præsentibus ipsis adhiberetur, si forent exhibitæ, vel ostensæ.

Datum Romæ apud S. Petrum sub annulo Piscatoris, die 23. Maji 1668. Pontificatus Nostri Anno primo.

Moderatio Constitutionis Clem. VIII. locum ciborum Paschaliū pro Fratibus S. Francisci de Paula ad Infirmarias Conventuum restringentis.

CLEMENS PAPA IX.

Ad perpetuam rei memoriam.

**I**njuncti Nobis cælitus pastoralis officii ratio postulat, ut paternam Religiosorum Virorum Altissimi obsequijs, sub austerioris vitæ Regula mancipatorum curam gerentes illorum necessitatibus, quantum cum Domino possumus benigna salubrique moderatione consistere studeamus.

§. 1. Exponi siquidem Nobis nuper fecit dilectus filius Petrus de Consentia, Zelosus, seu Procurator Generalis Ordinis Fratrum Sancti Francisci de Paula Minimorum nuncupatorum, quod dudum, videlicet Anno 1596. fel. record. Clemens Papa VIII. Prædecessor noster, peculiari Constitutione Fratibus d. Ordinis prohibuit, sub pœna privationis vocis activæ, & passivæ per triennium, ne durantibus eorum infirmitatibus, in quibus dumtaxat eisdem licitum est vesci cibis Paschalibus, Conventibus egrederentur.

§. 2. Verum quotidiano experimento comprobatum est, ex Constitutionibus hujusmodi, optimo licet consilio emanatæ, observatione, multa oriri incommoda, cum Fratres prædicti talibus sæpissimè corripiantur Corporis infirmitatibus, ut ad aquas minerales, vel potandas, vel earum balneis utendi ergo se conferre cogantur; quæ remedia nullatenus adhibere valent, nisi cibis Paschalibus, juxta medicinæ regulas utantur, atque ita Constitutionem prædictam infringant, ac pœnis per eam laris se se exponant, si mortis periculum evadere velint. Cum autem, sicut eadem expositio subjungebat, præmissis attentis, Ordo prædictus Zeloso, seu Procuratori Generali ipsius Ordinis pluries injunxerit, ut memoratæ Constitutionis moderationem ab hac Sancta Sede impetrare curaret; Nobis propterea dictus Petrus, ejusdem Ordinis nomine humiliter supplicari fecit, ut in præmissis opportunè providere, & ut infra indulgere de benignitate Apostolica dignaremur.

Transumptum fides.

D. P. An. i. die 23. Maji.

XXII.

Edita A. D. 1668.

Proccinium.

Conf. Clem. VIII.